



Sarajevo, 05. septembar 2016. godine

## SAOPŠTENJE ZA MEDIJE

### **Policijske agencije u BiH ne raspolažu profesionalnim pregovaračkim timovima u odgovoru na krizne incidente**

Najnovije istraživanje Centra za sigurnosne studije pokazuje da policijske strukture u BiH ne posjeduju adekvatne kapacitete vezane za profesionalne pregovaračke timovima za krizne incidente. Naime, analizom policijskih agencije u BiH (SIPA, Direkcija za koordinaciju policijskih tijela BiH, FUP, MUP RS i Policija Brčko distrikt BiH) uočljivo je da većina agencija ima policijske službenike koji po potrebi obavljaju funkciju pregovarača u talačkim situacijama. Nepostojanje profesionalnih timova u njihovoj operativnoj strukturi, te u većini slučajeva i nedostatak zakonske regulative koja bi određivala postupanje policijskih službenika u takvim situacijama, ukazuje na manjkavosti policijskih struktura u odnosu na najosjetljivije situacije u obavljanju njihovog posla, gdje svakako spadaju talačke situacije.

Profesionalni pregovarački timove se više decenija u svijetu uspješno koriste za mirno rješavanje talačkih situacija, kao najtežeg oblika kriznih incidenata i jednog od načina izvođenja napada terorističkih skupina, slučajeva sa zabarikadiranim osobama i pojedincima koji prijete samoubistvom, ali svoju primjenu mogu imati i za okončavanje masovnih protesta, zatvorskih pobuna i sl.

Šira javnost je svjedočila da su se policijske strukture u BiH suočavale s takvim događajima, te pozivamo vlasti i policijska rukovodstva da ovim pitanjima posvete odgovarajuću pažnju, slijedeći tako praksu policijskih struktura naših susjeda u regionu.

Kompletno istraživanje o predmetnoj temi možete preuzeti na <http://css.ba/wp-content/uploads/2013/11/Policijsko-pregovaranje.pdf>.

Dr. Denis Hadžović  
Generalni sekretar

